


# **Ekwatho Oha Li Zi Pombanda**



# EKWATHO OHA LI ZI POMBANDA

EKWATHO OHA LIZI POMBANDA Oka ni-  
ngwa okashona opo u vule oku ka humbata, no  
ku ka longitha uuna ua tegelela omuntu, nenge  
oshenditho. Omathimbo ngaka ga li gena okuhe-  
pithwa ota ga vulu okulongithwa sha, moka o-  
mwenyo ta gu likola sha.

Oondanda odha nenepekwa nodha yelekwa na-  
wa ouina, opo dhi gandye uupu moku-lesha. Iipo-  
piua oya hogololwa, nomishangwa dhaa mbyoka  
ya hogololwa oyaa kuthwa moombinga dhi ili no-  
dhi ili dho 'Mbimbeli, oshoka ondi itaala oshi-  
popiua oshiuanaua sho mishangwa osho o'Mbi-  
mbeli yoyene. Oshiinekelwa kutja okweeta ku-  
mwe omishangwa tadhi popile oshima shimwe,  
otadhi ka gandya euveko lya yela lyontumwa-  
laka, Kalunga eyi tu pa mohapu ye ondyapuki.

Ohapu ya Kalunga ohayi zi p'ombanda, yo oyi  
na oshilonga koomwenyo dhi dhasa ondyala ne-  
nota lyuuyuki. Ngele omuntu iitedhulula e te  
ethapo uulunde ye ti itaale m'omuhupithi Jesus  
Kristus nomwenyo gwe aguhe, Omuwa ote ke  
mu ihololela no ta gandya enyanyu nombili ye  
koomwenyo dhooitaali.

Shika onde shitseya momvula 1937, noomvula  
odhindi dha piti po inandi teya nande elongelo-  
kumwe ndika ekumithi n'Omuwa. Otandi ku indi-  
le u mwiigandyele ngashingeyi, ngele inoshi  
ninga nale.

Watson Goodman

# OHOLE JA KALUNGA

Johannes 3.16

Ošoka ošo Kalunga kua li e hoole uujuni oje a gandĵa Epona lje, opo šaa ngoka e mŭ itaale kaa kane, ihe a mone omueño guaaluhe.

Kaaroma 5.8

Ihe Kalunga okue tu hololele ohoole je oku tu hoola, Kristus šo kua si peha ljetu manga tua li aalunde.

Johannes 15.13

Kaku na ngoka e nohoole ji vule ja ngoka ta gandĵele ookuume ke omueño gue.

Johannes 13.1

Ihe pešikano ljošitusi ša passa, Jesus šo kua li e luete ešimbo lje okuza muujuni mbuka nokuĵa ku'He olje ja, ano oje ngaši kua kala e hoole mboka oje ja li muujuni, okua li e ja hoole sigo pehulilo.

Ehololo Lja Johannes 1.5

No ja Jesus Kristus omŭhokololi omŭžiginini, omŭtango guomaasi nomŭpangeli guaakuanilua jevi! Ongoka e tu hoole, nokue tu mangulula moondĵo zetu onombinzi je.

Jeremija 31.3

Omŭua okua monikile ndĵe nale. Ongame onda kala noku ku hoola nokuhoola kualuheluhe, onke no nde ku silohenda noku ku tal'onteni.

# UUKALUNGA UA JESUS KRISTUS

Mateus 1.22, 23

Šino ašihe ša ningua, opo ši guanisue šono Omūua e ši lombueliṣa omūprofeti ngoka ta ti: Tala, omūkazona ota ningi omūsimba no ta vala okamati, nezina ljako nali lukue Immanuel, ndjoka tali ti: Kalunga pamue natse.

1 Ku Timoteus 3.16

Nošiholekua šelago ljomu Kalunga oša tsejika, nokutja ošo ošinene: oje ngoka a holokamoñama 'okua uuṣua omūjuuki om'Ombepo, a holokela aajengeli, 'okua uuviṣilua aapagani, 'okui itaalua muujuni, 'okua taambua pombanda meaazimo.

Johannes 14.9, 10a

Jesus te mū lombuele: Ongame nda kala nane olule, ongoje no ku ši ndje, Filippus. Ongoka a mono ndje, oje nokua mono Tate; ongoje to ti ngini ano: 'Tu ulukila Ho? Ku itaale nani, ongame ndi li mu Tate, na Tate oku li mu ngame?

Johannes 1.1 na 14

Petameko okua li ku nOhapu, nOhapu oja li pu Kalunga, nOhapu ojo ja li Kalunga... Ohapu nokua ningi oñama, nokua li a kala mokati ketu, no tua tala eaazimolje, eaazimo tuu ndjoka lj'Epona lja 'He, oje nokua li ku' uuza esilohenda, nošili.

# JESUS OMUNA GUA KALUNGA

## Kaakolossa 2.9

Ošoka muje mua kala eguano alihe ljuukalunga palutu.

## Jesaja 9.5

Ošoka otse tua valelua okanona, tau peua omūmati, nelelo, te li peua, ku li na komapepe ge, nezina lje tali lukua: Omūkumiši—Mūpukululi, Kalung'ofule, 'Hegualuhe, Omūua-omūnambili.

## Lukas 1.35

Omūjengeli okue mū jamukula nokua ti: Ombe-po Ondjapuki otajī ku lambele, noonkondo za nguka guokombandambanda otazi ku siikile, onke ano omūvalua ngu omūjapuki ota ka lukua Omūna gua Kalunga.

## 1 Lja Johannes 4.15

Ongoka ta hempulula, Jesus oje Omūna gua Kalunga, Kalunga ota kala muje, noje ota kala mu Kalunga.

## Mateus 17.5

Ano manga kua li ta popi, tala, ošikogo ošijelele oše ja siikile; ihe tala, eui lja zi mošikogo, no lja ti: Omūuandje ngu omūhoolike, onde mū hokua; mū uuveni.

## JESUS OTE TU LOMBUELE KUTJA OJE OLJE

### Johannes 6.35

Jesus okua ti kujo: Ongame ošikuiila šomueño; ongokate ja ku ngame, oje ita sondj'ala, na ngoka i itaale ndje, ita senota sigo aluhe.

### Johannes 9.5

Manga ongame ndi li muujuni, ongame uujelele u'uujuni.

### Johannes 8.58

Jesus okue ja lombuele: Ošili, ošili tandi mu lombuele: manga Abraham kua li ina valua, ongame nda li ko.

### Johannes 8.23

Oje nokue ja lombuele: One jopevi, ongame guokombanda; one jomuujuni mbuka, ihe ongame kandi ši guomuujuni mbuka.

### Johannes 11.25

Jesus okue mŭ lombuele: Ongame ejumuko, nomueño; ongoka i itaala ndje, oje ta kala e nomueño, nando na kale a sa.

### Johannes 10.7

Jesus nokue ja lombuele išeue: Ošili, ošili tandi mu lombuele: ongame ošeelo šoonzi.

# IINYENGANDUNGE JESUS EYI LONGA

Mateus 14.19-21

Nokua lombuele aantu ja kuutumbe pevi pomuizi, nokua kuša ko iikuiila mbika iitano noohi mbaali, nokua ligamene kegulu e ji laleke nuujamba, nokue ji pambula, okua pe aalongua je iikuiila, naalongua je ji topolele aantu. Ajehe no ja li no jakuta. Jo ja toola ihe iihupe juupambu, oontungua omũlongo gumue na mbaali zuuza. Ihe omboka ja li, ojo ja li aalumentu omajuvi gatano, aakiintu naanona inaa jalulua.

Mateus 20.30 na 34

Tala ihe, aaposi jaali ja kuutumba mooha zondjila; no šo ju uuvu Jesus te ende po, oja popi mokule no ja ti: Omũua, omũna gua David, tu silohenda!... Jesus nokue ja sohenda, nokua gumu ko omeho gauo, nopo tuu mpoka ja tonata no je mũ landula.

Lukas 5.4-6

Ihe šo a zimbuka okupopja okua lombuele Simon: Zugila puulempee, ne mu ka lukile iijuulišo jeni. Simon okue mũ jamukula nokua ti: Omũhongu, uusiku auhe tua longo, 'tse inaatu juula mo ša, ihe iijuulišo otandi ji umbilile mo oohapu zoje. No šo je ši ningi, oja kuata oohi ozindjizindji, iijuulišo jauo no ja tomoka.

## JESUS KRISTUS OJE OMUMUA NOMUSHITI

Ošoka muje omo mua šitilua ajihe, mbijaka jomegulu na mbika jokombanda jevi, mbika ji uetike na mbika kaji uetike, ngele iipundi juukuaniilua nenge uukuaniilua, nomalelo nenge omapangelo ga kola, ajihe e ji šitišua no je mũ šitilua.

Kaakolossa 1.16

Lja Nolelua Aaheberi 1.2

Kalunga...ngašingeji omasiku ngaka gopehulilo okue tu lombuele mOmũuana, ngu e mũ ningi omũsigululi guaajihe, oje tuu nguka e mũ šitiša nomauujuni.

Kaaroma 14.9

Ošoka ošo šika Kristus okue ši sile nokua ningi omũnamueño, opo a kale Omũua no guaasi no guaanamueño.

Johannes 1.3

Ajihe oja šitua kuje, no kaku na šoka ša šitua šaa ši šomuje.

1 Kaakorinto 1.9

Kalunga omũziginini, oje tuu nguka mui isa-nenua kuje mehanganu lja Omũuana Jesus Kristus, Omũua guetu.

Iilonga Jaajapostoli 2.36

Ano egumbo alihe lja Israel nali tseje šili, Jesus tuu nguka mue mũ aalele komũšigakano, Kalunga okue mũ ningi Omũua na Kristus.



# JESUS KRISTUS OJE OMUPANGULI GUA JEHE

Mateus 25.32

Niiguana ajihe otaji gongelua košipala še, no ta joolola aantumoojakuauo, ong'omūsita ta joolola oonzi miikombo.

Johannes 5.22

Ošoka Tate ita pangula uo nando olje, ihe e-pangulo alihe okue li gandja k'Omūuana.

Kaaroma 14.10

Ihe ongoje, omūuañoکو oto mū pangulile šike? Nenge ongoje nima, ošike ho zini omūuañoکو? Ošoka atuheni tu nokuholokela košipangulopundi ša Kalunga.

Iilonga Jaajapostoli 10.42

Nokue tu lombuele, tu uuvišile aantu noku ja hokololela: oje, oje tuu nguka Kalunga e mū ni-  
ngi omūpanguli guaanamueño naasi.

Kaaroma 2.16

Esiku ndjoka, Kalunga šo ta pangula mu Jesus Kristus iiholekua jaantu opavangeli ljandje.

2 Ku Timoteus 4.1

Tandi ku ganiša košipala ša Kalunga no ša Kristus Jesus, ngoka te ja okupangula aanamueño naasi, u gane meholoko lje no mošilongo še.

# EKULILO OLI LIPO OMOLUA KRISTUS AUIKE

Johannes 14.6

Jesus okue mü lombuele: Ongame ondĵila, no-šili, nomueño; kaku na ngoka te ja ku Tate, okuninga ta pitile mu ngame.

Iilonga Jaajapostoli 4.12

No kaku nomŭkuauo, ehupišo lja kala muje, ošoka kaku nezina lilue kohi jegulu, lja holo-lelua aantu, moka tu nokuhupišilua.

Johannes 10.9

Ongame ošeelo; ngele ku na ngoka ta ĵi mo ta pitile mu ngame oje ta hupišua, no ta kala nokuĵa mo nokuza mo, no ta monoko ošinapelo.

Lja Nolelua Aaheberi 5.9

No šo aguaniša a pua, okua ningi ekota ljuhupišo ljaaluhe oljaajehe mboka taa vulika kuje.

Lja Nolelua Aaheberi 7.25

Onke ano ta vulu no okuhupiša šili mboka taa heza ku Kalunga omolue, ošoka e nomueño aluhe, e ja galikanene.

1 Kaatessalonika 5.9

Ošoka Kalunga inu uuša tu geelue, aue, ihe tu hupišue omolu Omŭua guetu Jesus Kristus.

## **EKULILO OLI LIPO OMOLUA KRISTUS AUIKE**

**Kaakolossa 1.12-14**

Nokuhambelela Tate, nguka e mu oopaleke, mu uape okusigulula pamue naajapuki omujelele, onguka e tu hupisa mepangelo ljomilema nokue tu tembusile mošilongo s'Omūuana omūhoolike.

**Lukas 19.10**

Ošoka Omūna gu'Omūntu e ja okukonga noku-hupisa šono ša kana.

**1 Kaakorinto 1.30**

Ihe omuje mua zokukala kueni mu Kristus Jesus, onguka e tu ningilua uunongo ku Kalunga, nuujuuki nuujapuki nekulilo.

**Ehololo Lja Johannes 5.9**

Ojo no ji imbi eimbilo epe, ja ti: Ongoje ua guana okutaamba oramata ndjī, noku jī matula iihako jajo, ošoka ongoje ua zipagua, no ua kuli-lilile Kalunga aantu nombinzi joje ojomomazimo agehe, no jomomalaka agehe, no jomiilongo ajihe, no jomiiguana ajihe.

**Ku Titus 2.14**

Ongoka kui igandja peha ljetu, e tu kulile mo muulunde auhe, je e tu joge, tu ninge ošiguana še muene ša hala šili okulonga uanaua.

**Kaaroma 3.24**

No taa peua uujuuki omagano okesilohenda lje omolu ekulilo ndjoka ljomu Jesus Kristus.

## OMBINZI JA JESUS KRISTUS OJA NINGI OMBILI

Ano uunene ombinzi ja Kristus, kua li kee na nando ošipue, ongoka kui igandja ku Kalunga ok'Ombepe jaaluhe, ojo taji jogo eiuuvo ljetu kii-longa mbika jeso okulongela Kalunga omūna-mueño. Lja Nolelua Aaheberi 9.14

Ihe otse ngele tatu ende muujelele, ngašika oje a kala muujelele, nena otu nehanganopokati ketu, nombinzi j'Omūna gue, Jesus Kristus, otaji tu jogo oondjo azihe. 1 Lja Johannes 1.7

1 Lja Petrus 1.18, 19

Šo mu ši ši, one inamu kulilišua iinima haji hulu po, ošisilveri nošingoli, omokukala kueni kuonaale mue ku šigulula kooho, aue, onombinzi onzigu nondjapuki ja Kristus, onga ndjika jonzi kaji nošiponga no kaji noñata.

Kaaroma 5.11

No ha šono ašike, ihe no hatu isimaneketele mu Kalunga omolu Omūua guetu Jesus Kristus, onguka tua hanganišua kuje.

Kaaefeso 1.7

Mu ngoka tu nekulilo omolu ombinzi je, ezimo ljomajonagulo okuujamba uesilohenda lje.

Kaaroma 5.9

Ano uunene tuu ngašingeji šo tua juukipališua mombinzi je, otatu hupišua omolue omondjahi.

## EHUPITHO OKUI TAALA KRISTUS

Kaaefeso 2. 8, 9

Ošoka mua hupisua keitaalo omolu esilohenda, ljo inaali za mune jene, —oljo omagano ga Kalunga—hamolu iilonga, opo kuaa kale nando ogumue ti isimaneke.

Kaaroma 5.1

Ano nena šo tua ningi aajuuki keitaalo, otu na ombili na Kalunga omolu Omūua guetu Jesus Kristus.

Kaagalatia 5.6

Ošoka mu Kristus Jesus nando efukaleko nenge uufukolume kau nekuaso, aue, ihe eitaalo hali longisua kohoole.

1 Lja Johannes 5.4

Ošoka šaa šoka ša valua mu Kalunga, otaši sindi uujuni; nesindo ndjoka lja sindi uujuni, oljo eitaalo ljetu.

Johannes 6. 28, 29

Ojo no ja ti kuje: Natu ninge šike tu longi iilonga ja Kalunga? Jesus okue ja jamukula nokua ti: Ošilonga ša Kalunga ošo šika, mu itaale nguka a tumua kuje.

Johannes 20.31

Ihe ongaka ga šangua, opo mu itaale Jesus oje Kristus, Omūna gua Kalunga, no mokuitaala mu mone omueño omezina lje.

## ESILO H ENDA LJA KALUNGA

### Omapsalmi 103.17

Ihe esilohenda lj'Omũua ohali kalelelele aluhe-luhe omboka, je mũ tila, nuujuuki ue okoluvalo nolualo.

### Ontakumandjĩmbo 3.22 na 23

Omolu' oontalanteni z'Omũua inaatu jonua po natango, ošoka esilohenda lje inaali hula po: o-ljo epe kehe ongula, uuziginine ue ouindji.

### Omapsalmi 108.5

Ošoka esilohenda ljoje enene, lja lundu egulu, nošili joje ja tsa miikogo.

### Ku Titus 3.5

Oje e tu hupisa, hamolu iilonga juujuuki, tue ji longo ando, aue, opasilohenda lje okejogo ljevalululo no kešitululo lj'Ombepo Ondjapuki.

### Omapsalmi 103.11

Ošoka ngaši egulu lja kala pombanda kokule nevi, ošo esilohenda lje enenenene ku mboka, je mũ tila.

### Mika 7. 18

Olje ngoka, e ku fe, Kalunga, ho zimi po iilonga iiuinaji, ho zimbua oondjo zošihupe šošiguana šoje šuusiga? Oje iha s'ondjahi sigo-osi-go, ošoka okua hokua okusil'ohenda.

## KALUNGA OTE TU LOMBUELE TUTE KUJE

Taleni, one amuhe, mua senota, ileni nku komeja. Nane mboka, muua niilanda, ileni, ilandeleni iilja, 'ne mu lje; eeno, ileni, ilandeleni osima, landeni, muua niilanda, omavinu nomahini. Jesaja 55.1

Johannes 7.37

Ihe esiku enene ljahugunina oljošituṣi, Jesus okua ṣikama nokua iigiza e ta ti: Ngele ku na ngoka a senota, ne je ku ngame, 'je na nue.

Ehololo Lja Johannes 22.17

N'Ombepo, nomũjaalekua otaa ti: Ila! Na ngoka tu uuvu, na tje: Ila! Na ngoka a senota ne je, na ngoka a hala, na taambe omeja gomueño omagano. Jesaja 1.18

Tu jeni, tuka tamananeni, kua ti Omũua. Oondjo zeni nando nazi kale, za tiligana, za f'ombinzi, ozo otazi jele, za f'uutokele vo uene; no nando nazi kale oontiligane, za tiliganenene, otazi jele, za f'omafufu omatokele.

Mateus 11.28, 29

Ileni ku ngame amuhe hamu longo no mua loloṣua, ongame no tandi mu pe evululuko. Itsikeneni ondjoko jandje ne mu ilonge ndje, ošoka ongame omũnambili no momũtima ondi išonopeka; no tamu imonene oomueño zeni evululuko.

## HA AANTU AJEHE ANA JA KALUNGA

1 Lja Johannes 3.10

Ano opo tuu mpoka otapu holoka aana ja Kalunga naana jondiaboli. Okehe tuu ngoka iha ziginine uujuuki, oje kee ši guomu Kalunga, na ngoka uo, kee hoole omũuajina.

Kaaroma 8.14, 15

Ošoka ajehe mboka haa endisua k'Obepo ja Kalunga ojo aana ja Kalunga. Ošoka one inaamu peua ombepo juupika mu kale išeue muumbanda, aue, omua peua ombepo juuvalua, mu ndjoka hatu iigiza: Abba! Tate!

Kaafilippi 2.15

Opo mu kale aana ja Kalunga aakaanašipo, mua jela, mua nošize mokati koluzi nduka lua pilaala no lua gojoka, mu aazime mokati kauo ongoonosi muujuni.

Johannes 1.12

Ihe ajehe mboka je mũ taamba, okue ja pe oonkondo ja ninge aana ja Kalunga, omboka jitaala ezina lje.

2 Kaakorinto 6.17, 18

Onkee: Ziimo mokati kauo ne mu ijoolole mujo, kua ti Omũua, 'ne inamu guma šono ša náta; ongame no tandi mu taamba, no tandi kala Oho jeni, one no tamu ningi aamuandje aamati naakazona, Omũua omũnankondo ta ti.



# KALUNGA OTA POPI SHIKE KOMBINGA JIIKOLITHA

Jesaja 5.11

Jaje omboka, haa menekelele ongulangula uunkolui no haa hungile, nomavinu tage ja pupjaleke!

Omajeletumbulo 23.31, 32

Inotala omavinu, nkene gatiligana, nkene gatalika g'oopala mošitenga no taga kulukile mo mbala. Navulua taga ljana ng'ejoka no taga hiji mo uuzigo ong'ongoloka.

Kaagalatia 5.19-21

Ihe iilonga jońama oji igalala, ojo mbjono: oluhondelo, ehulaşano, epumpagano, esimaneko ljiimenka, uunganga, etondaşano, oontamanana, uukozi, ondĵahi, omakotokelo, omakuşaşanopo, iimpaga, efupa, uunkolui, iituşi juusiku niikuaao ja fa mbika, ombĵoka nda tetekele oku ji mu lombuela, ngaşi nde mu lombuelele: omboka taa longo iilonga jatjangaaka, itaa ka şigulula oşilongo ŝa Kalunga.

Kaaroma 13.13, 14

Tu endeni pamikalo, ongaşika omüteńa, ha muufukezi uiituşi no muunkolui, ha momahondelo no miihulo, ha moontamanana no mefupa, aue, zaleni Om ũua Jesus Kristus, nońama jeni inamu ji jakulila okahalu.

## OSHILI INA SHIGUANA SHA

Mateus 22. 37, 38

Oje nokua ti kuje: Hoola Omũua, Kalunga koje komueño guoje aguhe no komũtima guoje aguhe no komazilazilo goje agehe. Ošipango ošinene no šotango ošo tuu šika.

Markus 10.17-22

Ano šo a zi mo ta ji kondjila, opua matuka omũlumentu gumue e ja kuje, a tsoongolo košipala še, nokue mũ pula: Omũhongí omũuanaua, ondi nokulonga šike ndi mone omũeño gaaaluhe? Jesus nokua ti kuje: Ošike to ti ongame omũuanaua? Kaku nomũkuauo omũuanaua, oKalunga auike. Iipango u ji ši: Ino zipaga, Ino hondela, Ino jaka, Ino lundila, Ino juga omũntu, Simaneka oho na űoko. Oje nokue mũ jamukula: Omũhongí, ajihe mbika nde ji guanisa nkene nda za muugundjuka uandje. Jesus nokue mũ tala, 'je e mũ hoole, nokua ti kuje: Šimue oše ku pumbua: inda u ka landepo iinima joje ajihe, ngu ji gandje koohepele, ngoje e to kala u nuujamba megulu, ngu je ihe u landule ndje. Ihe oohapu nzoka oze mũ aalula komueño, nokua zi po a nik'uusigua, ošoka kua li e niinima ojindji.

Omajeletumbulo 16.25

Oku nepola, lja fa lj'uukilila momeho gomũntu, nohulilo jaljo ondjila jesu.

## INO PUKITHUA

Kaleni ihe aaguanisi joohapu, haapulakeni jouala nokuifundjaleka. Lja Jakob 1.22

1 Kaakorinto 6.9, 10

Nenge kamu ši ši, aakolokoši kaa sigulula o-šilongo ša Kalunga? Inamu puka. Aaholume, naasimaneki jiimenka, naahondeli, nomašenge, naalali jomašenge, naafuši, naanaluiho, noonkolui, naašeki, naajugi, ojo kaa sigulula o-šilongo ša Kalunga.

Kaaefeso 5.6

Kuaa kale ngoka te mu fundjaleke noohapu zouala, ošoka uulunde tuu mbuka tau eta ondjahi ja Kalunga kombanda jaana jetangalalo.

1 Lja Johannes 3.7, 8a

Uumuandje, muua pukisue nando okulje! Ongoka ha ziginine uujuuki, oje omũjuuki, ongaši Oje omũjuuki. Ongoka ha longo uulunde, oje oguomondiaboli, ošoka ondiaboli hela ja za oja longo uulunde.

Kaagalatia 6.3

Ošoka ngele ku na ngoka e ši oje omũšike, nando oje guouala, oje oti ifundjaleke.

Kaagalatia 6.7

Inamu ifundjaleka, Kalunga ihe ņekelua; ošoka šono omũntu te ši kunu, ošo tuu te ši teja uo.

## ULUNDE OTAUETA ESO

Hesekijel 18.20

Oje tuu ngoka, a jono—oje e nokusa. Omūna omūlumentu kee nokuhumbata oondjōnana z̄a 'he, nohe kee nokuhumbata oondjōnana z̄omuana omūlumentu. Uujuuki uomūjuuki otau mū kalele, nuukeenakalunga u nokukalela omūkeenakalunga.

Kaaroma 5.12

Onke ano, ngašika uulunde ua etua muujuni komūntu gumue, neso okuulunde, nošo eso lji ikuna naantu ajehe, ošoka ajehe ja jono.

Lja Jakob 1.15

Nokahalu nge ka ningi okasimba otaka vala uulunde, nuulunde nge ua koko otau vala eso.

Kaaroma 8.6

Ošoka omazilaz̄ilo, goñama ogo eso, ihe omazilaz̄ilo gombepo omeuño nombili.

Omajeletumbulo 11.19

Uujuuki ua šili tau fala komueño; nonakulandula uuinaji ta az̄ika keso.

Lja Jakob 5.20

Kaleni mu ši ši ihe, ongoka ta galula omūlunde mondj̄ila jomapukilo ge, oje ta hup̄isa omueño gue no ta siikile omajonagulo ogendj̄i.

## JESUS A SINDI ESO

Ehololo Lja Johannes 1.18

No ndi nomueño, onda sile, ihe tala, ondi nomueño sigo aluhe; no ndi niipatululo jeso no joshassi.

Johannes 11.43, 44

Ano šokue zi ti, okua iigiza mokule: Lasarus, za mo! Na nguka kua li a sa okua zi mo, ompazi nomaako ga mangua niimango jelapi, nošipala še ša mangua nošifugulišo šomaziguze. Jesus okue ja lombuele: Mũ mangululeni, 'ne mu, mũ ege a je.

Johannes 10.17, 18

Onkee Tate e hoole ndje, ošoka otandi gandja omueño guandje, opo ndi gu taambulule. Kaku na ngoka te gu kuša ndje, ongame muene tandi gu gandja. Ongame ndi noonkondo oku gu gandja, no ndi noonkondo oku gu taambulula; ošipango šika onde ši peua ku Tate.

Lukas 7.14, 15a

Nokua humuko nokua gumukomutenge, aaiindi no ja sikama. Oje nokua ti: Omügundjuka, otandi ku lombuele, penduka po. Onakusa nokua kuutumba nokua tameke okupopja.

## IIPANGO YA KALUNGA

5 Mose 5.7-21

Ino kala u nokalunga okakuauo nangame.

Ino ihongela ošijelekelakalunga, ošijelekela šošaašoka, šokombanda megulu nenge pevi, kombanda jévi, nenge šomomeja kohi jévi. Ino ji tsil'oongolo, u ji simaneke...

Ezina IjOmŭua, Kalunga koje ino li tumbulila iifundja, ošoka, onakuli tumbulila iifundja, Omŭua itee mu eša, inee mŭ gejala.

Zimbulukua evululukotango, u li simaneke, Omŭua, Kalunga koje, ngaši kue ku lombuele Omasiku hamano no longa, šaa ošilonga šoje, ši longa. Esiku etihejaali esabati IjOmŭua, Kalunga koje.

Simaneka 'ho na noko, Omŭua, Kalunga koje ngaši kue ku lombuele omasiku goje...

Ino zipaga.

Ino hondela.

Ina jaka.

Ino lundila mŭkueni.

Ino haluka omŭkiintu guomŭkueni. Ino haluka egumbo Ijomŭkueni, nenge epja Ije, nomŭpika gue omŭlumentu nomŭpika gue omŭkiintu, nongombe je, nenge okasino, nenge šaašoka šomŭkueni.

## ITOVULU OKU HOLAMA KALUNGA

### Omajeletumbulo 15.3

Omehog'Omũuaga tala akuhe; ohaga lengale-  
nga ooinaji naauanaua.

### Lukas 8.17

Ošoka kaku na ošiholekua itasi hololua, no ka-  
ku na šono ša holama itaši ka tsejika no itaši ja  
puujelele.

### Omapsalmi 139.8 na 12

Ndi londe megulu, oko u li, ndi ijaalele ando  
muusi, tala, noko u li...ano nomilema kazi ku  
luuzile, nuusiku otau jele ng'omũteña nuuluuze  
ong'uujelele.

### Job 34.21, 22

Ošoka omeho ge ga tala omapola ga kehe o-  
mũntu, noonkatu ze azihe oku zi luete ko. Kaku  
nomilema no kaku nuuluze sokosoko, aakolokoši  
ando haa uapa okuholamena mo.

### Jeremija 23.24

Nenge olje ta uapa okuholama, a hita, ndaaje  
mũ luete andola, Omũua ošo ta ti. Hangame ngu,  
tandi uuziṣa egulu nevi, Omũua ošo ta ti?

### Iilonga Jaajapostoli 17.27

Opo ja kale nokukonga Kalunga, ja tale, ngele  
taa uapa okuugazala sigo kuje, noku mũ mona,  
nando oje ina kala kokule natse, nando ogumue.

# ETOKOLO LJA NA EHULILO KAA-KANAKONASHA NA KALUNGA

## 2 Lja Petrus 3.7

Ihe omagulu gongašingeji nevi ndi oga pungulilua omūlilo okohapu ojo tuu ndjoka, oga tsilikilua esiku ljepangulo no ljehanagulo ljhaantu aakaana-konašanakalunga.

## Omapsalmi 9.18

Aalunde je nokušundulilua, je nokuja mošaaši, aapagani ajehe, haa zimbua Kalunga.

## Mateus 18.8

Ihe ošikaha šoje nenge ompazi joje, ngele taji ku hongolola, ji teta ko ngu ji ekelehi; okuja momueño ngoje ošindimbukaha nenge ošindimbukugulu kue ku oopalela ku vule okukala niikaha iijaali noompazi mbaali e to umbilua momūlilo guaaluhe.

## Mateus 13.41,42

Omuna gu'Omuntu ota tumu ko aajengeli je, no taa ka gongela mo mošilongo še omahongololo agehe na mboka haa jono uujuuki, no taje ja umbile meziko lja haña; omo hamu kala elilagano neikokoto ljomajego.

## Mateus 25.46

Ombano no taa ji ihe mokugeelua kuaaluhe, ihe aajuuki omomueño guaaluhe.



## EPANGULO LI LI KOMEHO GETU

Lja Nolelua Aaheberi 9.27

No ngašika aantu ju uušilua je nokusa lumue, no taku landula ihe epangulo.

Ilonga Jaajapostoli 17.31

Ošoka okui iušilile esiku ljokupangula uujuni, te u panguliša uujuuki komūlumentu tuu ngoka, je muene e mū hogolola, šo kue mū jumuzā, oje no ta hala okupa ajehe eitaalo.

Kaaroma 14.12

Ošo ano okehe tuu ngoka guomutse oku nokui-hokololela Kalunga polue muene.

2 Kaakorinto 5.10

Ošoka atuheni otatu ka holokeni košipangulopundi ša Kristus, opo kehe tuu ngoka a peue iilonga je jomolutu, ngaši e ji longa, ongele uuanaua nenge uuinaji.

2 Lja Petrus 2.9

Ošo ngeji Omūua e ši okuhupiša aajuuki momahindo, nokukuatelela aalunde ja ka geelue esiku ljepangulo.

1 Lja Johannes 4.17

Ošongeki ohoole ja guanīsilua mutse, tu kale tu neinekelo esiku ljepangulo; ošoka ngaši oje e li ko, natse uo ošo tu li muujuni mbuka.

## OHENDA YA JESUS KRISTUS

Kaaroma 9.16

Ano nena, šaa ši ša ngoka a hala, no šaa ši ša ngoka ta matuka, ihe oša Kalunga nguka ta silohenda.

1 Lja Petrus 5.5b

... Ošoka Kalunga ha tondo aaholuuntsa, ihe ta silohenda aaneifupipiko.

Kaaroma 5.15

Ihe pomaganohenda kape li ngašika pejono; ošoka ngele omolu ejono ndjoka lja gumue omboka ojendži ja sa, ano uunenenene esilohenda nomagano ga Kalunga omolu ohenda jomuntu ngoka gumue, Jesus Kristus, oga peua ogendžigendži omboka ojendži.

2 Kaakorinto 9.15

Kalunga na hambelelelue omagano ge kaga uapa ša!

2 Kaakorinto 8.9

Ošoka esilohenda lj'Omūua guetu Jesus Kristus omu li ši, oje, nando kua li omūjamba, okua ningi ohepele omolueni, one opo mu ninge aajamba okoluhepo lue.

Iilonga Jaajapostoli 4.33

Naajapostoli ja hokolola noonkondo oonene ejumuko lj'Omūua Jesus Kristus, nojo ajehe ja peua esilohenda enene.

## EITEDHULULO

Nokua ti: Itezululeni, ošoka ošilongo šegulu  
še ja popepi. Mateus 3.2

Iilonga Jaajapostoli 3.19

Ano itezululeni, ne mu galuke, oondjo zeni zi  
zimue po.

Iilonga Jaajapostoli 17.30

Kalunga okui izizimikile omašimbo ngejaka  
guugoja, ihe ngašingeji ota lombuele, aantu a-  
jehe naakuhe je nokuitezulula.

Lukas 13.3

Aue, nda ti, ihe ngele itamu itezulula, ošo tuu  
tamu ka kana amuhe.

Hesekijel 18.31

Kanduleni po oondjonana zeni azihe, mua jo-  
nene košipala šandje, noomueño zeni mu zi ipe-  
paleke oompe nombepo ompe. Nošike mua hala  
okusa, egumbo lj'Israel?

2 Kaakorinto 7.10

Ošoka oluhozi luopahokue ja Kalunga otalu lo-  
ngo eitezululo ljuhupiso, ihali tezululua; ihe o-  
luhozi luujuni otalu eta eso.

Lukas 15.7

Otandi mu lombuele: ošo no megulu tamu kala  
eñañu ljokuñañukilua omülunde gumue i itezulula,  
li vule ndjoka ljokuñañukilua aajuuki omilongo  
omũgoji nomũgoji inaa suusigona ueitezululo.

## EDHIMOPO LYOONDJO

Jesus šo kua mono eitaalo ljauo, okua ti komušilombanda: Omūuandje, omajonagulo goje taga zimua po. Markus 2.5

Mateus 6.14

Ošoka one ngele hamu pe ombili ombokaja jono kune, nena Oho jeni jomegulu ote mu pe uo ombili.

Hesekijel 18.21

Omūkeenakalunga no ngele ti itezulula omajonagulo ge kehe, kue ga jonene, no ta zimbulukua iipango jandje ajihe no ta tsakanisa po ošili jone nuujuuki, ošili, oje e nokukala, e nomueño; oje kee nokusa.

Jesaja 55.7

Omūkeenakalunga ne ese oondjila ze nomūlunde omazilaziloge, 'je a gundjilile Omūua, oje no te mū silohenda, no na heze ku Kalunga ketu, oje no ta zimi po oondjo ozindji.

Ehololo Lja Johannes 3.20

Tala, onda sikama pošeelo no tandi konkola, ngele ku na ngoka tu uuvu eui ljangje note egululile ndje, okuje tandi ja no tatu li uulalelo pamue naje, noje pamue na ngame.

Iilonga Jaajapostoli 5.31

Oje nguka Kalunga okue mū nenepekisa nošikaha še šokoluljo, a ninge Omūleli n'Omūkulili, a pe aaisrael eitezululo nezimo ljomajonagulo.

## ETOPOKO OKUZA MUJUNI

Ku Titus 2. 11, 12

Ošoka esilohenda lja Kalunga olja holoka li etele aantu ajehe ehupiso, no tali tu putuza, tu ese okuzina Kalunga nuuhalu uopajuni, tse tu kale tu nuujuuki, nokuhoola Kalunga muujuni mbuka uongašingeji.

Jesaja 1.16

Ijogeni, iseteni; kanduleni po iilonga jeni juulunde momeho gandje, eseni ihe iilonga jeni iuinaji.

Lja Jakob 4.4

One aahondeli, kamu ši ši nani, uukuume u'uujuni ouo okutonda Kalunga? Ano ngoka a hala okukala kuume kuujuni oje ta ningi omüniita na Kalunga.

1 Lja Johannes 2. 15, 16

Inamu kala mu hoole uujuni no šaa šoka ša kala mo. Ongoka e hoole uujuni, ohoole ja'He kaji mo muje. Ošoka šaa šoka ša kala muujuni, ongašika okahalu koňama, nokahalu komeho, no-kuitangela k'uujamba, ombino inaji za mu'He, aue, ojomuujuni.

Kaaefeso 5.11

Inamu kala mu nehangeno niilonga iintimbe jomilema, aue, ji neňeteleni nokuli.

## EVALULULO

Hesekijel 36.26

Ongame no tandi mu pe omueño omũpe no meni ljeni tandi mu tula mo ombepo ompe. Tandi mu kuša momalutu geni omueño guemaña no tandi mu pe omueño guoñama.

Johannes 3.3

Jesus okua jamukula nokua ti kuje: Ošili, ošili tandi ku lombuele: omũtu ngele ita valululua, ita uapa okumona ošilongo ša Kalunga.

2 Kaakorinto 5.17

Ano ngele ku na ngoka e li mu Kristus, oje omũšitua omũpe; iikulu ja hulupo, tala, iipe ja holoka.

1 Lja Johannes 2.29

Ano ngele mue ši tseja, oje omũjuuki, nena omu nouino, šaa ngoka ta ziginine uujuuki, naje uo a valua muje.

1 Lja Petrus 1.23

Ošoka mua valululua, ha kombuto ndjoka taji hulu po, aue, oku ndjika ihaji hulu po, okoohapu za Kalunga zi nomueño no za kolelela.

1 Lja Johannes 5.18

Otse otu ši ši, šaa ngoka a valua mu Kalunga oje iha jono; ihe ngoka a valua mu Kalunga oje oti itonatele, nomũuinaji ihe mũ gumu.

## OMUSILI MULUNDE – OTAJUMUDHUA MU KRISTUS

Nane mboka mua li mua sila momajonagulo no muufukolume uońama jeni, oje e mu tula omueńo pamue, naje, ŝo e tu kusile po omajonagulo agehe. Kaakolossa 2.13

Kaaefeso 2.1 na 6

Kalunga nokue mu tula omueńo one mboka mua li mua sa momajonagulo no moondjo zeni. . . nokue tu jumuzapamue naje, nokue tu tula mumue naje miikuanegulu mu Kristus Jesus.

Kaakolossa 3.1

Ano ngele mua jumuzua pamue na Kristus, kongeni mbijaka jokombanda, Kristus nkoka a kuutumba okoluljo lua Kalunga.

1 Lja Petrus 2.24

Ongoka a humbata oje muene oondjo zetu okolutu lue noku zi londeka komušigakano, opo tu longele uujuuki, ŝo tua si mo muulunde; oje ngoka mua aaluzua kiilalo je.

Kaagalatia 5.24

Na mboka ja Kristus Jesus oja aalela ońama jauo nuuhalu uajo nomikalo zajo momušigakano.

Kaaroma 6.2 na 11

Otse mbaka tua si mo muulunde, tu kale mo ngini natango? . . . Ano nane uo izilazileni, one mua si mo muulunde, ihe mu nomueńo okukalela Kalunga mu Jesus Kristus.

## OMUENJO GUA LUHE

No ngašika Moses okua jelušile ejoka pombanda mombuga, ošo tuu Omũna gu'Omũntu ota ka jelu-sua, opo šaa ngoka e mũ itaale, a mone omueño gaaaluhe. Johannes 3.14, 15

Nomueño gaaaluhe oگوo tuu nguka, ojo je ku tseje, ongoje Kalunga auike guašili, na nguka ue mũ tuma, Jesus Kristus. Johannes 17.3

Johannes 3.36

Ongoka i itaala Omũuana (gua Kalunga), oje e nomueño gaaaluhe; ihe ongoka itaa vulika k'Omũuana, ita ka monako omueño, ihe ondjahi ja Kalunga otaji kala kombanda je.

Kaagalatia 6.8

Ongoka ta kunu moñama je, ota teja uo ejonuko moñama; ihe ngoka ta kunu mombepo, oje ta teja uo omueño gaaaluhe mombepo.

Johannes 5.24

Ošili, ošili tandi mu lombuele: ongoka tu uuvu oohapuzandje, no ti itaale nguka a tumundje, oje e nomueño gaaaluhe, 'je ita ka pangulua, ihe okua za mo meso, nokua ji momueño.

Kaaroma 6.23

Ošoka ondjambi juulunde ojo eso, ihe o-maganohenda ga Kalunga ogo omueño gaaaluhe omu Kristus Jesus, Omũua guetu.



## ETSEITHO LJO SHILI LJEHUPITHO

### Kaagalatia 4.6

Na šoka one ojana, onke ano Kalunga okua tu-  
mu moomueño zetu Ombepo j'Omũuana, ti iigiza:  
Abba! Tate!

### Johannes 14.21

Ongoka e niipango jandje no te ji ziginine, oje  
tuu ngoka e hoole ndje; ihe ongoka e hoole ndje,  
oje e hoolike ku Tate, na ngame uo ndi mũ hoole  
no tandi mũ ihololele.

### Kaaroma 8.16

Ombepo oje muene ta hokolola nombepo jetu,  
otse aana ja Kalunga.

### 1 Lja Johannes 3.18, 19

Aamuandje, inatu kaleni tu hoole nohapu ne-  
laka, aue, omiilonga no mošili! Opo tuu mpoka  
tatu izimbulula, otse ojomošili, no tatu italaleke  
oomueño zetu košipala še.

### 1 Lja Johannes 4.13

Opo mpoka tatu izimbulula otse tatu kala muje  
noje ta kala mutse, ošoka oje okue tu pe mo m'O-  
mbepo je.

### Jesaja 32.17

Iilonga juujuuki tau et' ombili, neliko ljuujuuki  
evululuko nokukala, kuaa noombuzi, sigo aluhe.

# KRISTUS GWOMENI OHA GANDJA ENYANYU

Johannes 17.13

Ihe ngašingeji otandi ja ku ngoje no tandi popi nzika muujuni, opo ja kale je neñañu ljangdje ljuuzilila mujo jene.

Kaaroma 14.17

Ošoka ošilongo ša Kalunga kaši ši okulja nokunua, aue, ouujuuki nombili neñañu om'Ombe-po Ondjapuki.

Kaagalatia 2.20

No ndi nomueño, ha ngame muene ue, aue, oKristus a kala e nomueño mu ngame; ano manga te kala ndi nomueño molutu, ondi nomueño mokuitaala Omuna gua Kalunga, nguka kua li e hoole ndje no kui igandja peha ljangdje.

Jesaja 12.3

One no tamu kala nokuteka mo neñañu omeja momušima guehupiso.

Omapsalmi 16.11

Ongoje to tsejisile ndje epola ljokomueño; eñañu olindji ljuuza košipala šoje, uutoje moluljo loje aluheluhe.

Johannes 15.11

Mbika onde ji mu lombuele, eñanu ljangdje li kale mune, neñañu ljeni li ninge lja guanenena.

# EVULIKO KO MUMUA OLJO OMPUMBUE

## 1 Samujel 12.15

No ngele ihaamu uvu ko eui lj'Omũua, no hamu tindi ompango j'Omũua, ošikaha š'Omũua no taši mũ aza ko nonejene nomũkuaniilua gueni.

## Kaaroma 6.16

One kamu ši ši, šo tamu igandjã komũtu mu ninge aakalele je jokuvulika, ano one aakalele ja ngoka tamu vulika kuje, ongele aakalele juulunde, tau fala meso, nenge ojevuliko, tali fala muu-juuki?

## 2 Kaatessalonika 1.7-9

Noku mu pa, one mboka mua hepekua, evululuko pamue natse omokuholoka ku'Omũua Jesus, šo ta zi megulu pamue naajengeli joonkondo ze omomalaka gomũlilo no ta geele mboka inaa tseja Kalunga no itaa vulika kevangeli lj'Omũua guetu Jesus.

## 5 Mose 11.26-28a

Taleni onenandjika, nde mu tula momeho geni ondjambeko nontul'omũtima: Ondjambeko nge e tamu vulika kiipango j'Omũua, Kalunga keni, tandi ji ku lombuele nena ndjika, nontulomũtima, ngele itaamu vulika kiipango j'Omũua, Kalunga keni.

## Kaaroma 2.8

Ihe omboka aanandumbo no ihaa uuvuko ošili, aue, ohaa uuvu uulunde, ojo ondjahi negeelo.

# EHEMPULULO LJO MUMUA OLJO OMPUMBUE

## Kaafilippi 2.11

Nelaka kehe nali simaneke Kalunga Ohe omo-kuhokolola, Jesus Kristus oje Omũua.

Mateus 10.32, 33

Onke ano, okehe tuu ngoka, ta hempulula ndje paantu, nangame tandi mũ hempulula pu Tate megulu. Ihe ngoka ti izimbike ndje paantu, nangame tandi mũ izimbike uo pu Tate megulu.

Kaaroma 10.9, 10

Ořoka ngele to hempulula nokana koje Jesus oje Omũua, no ui itaala momueño guoje, Kalunga e mũ jumuzakuusi, nena oto hupišua; Ořoka okuitaala kuomueño otaku juukipaliřa, nokuhempulula kuokana otaku hupiša.

1 Lja Johannes 2.23

Ongoka ta luzike Omũuana, na'He kee mũ na uo. Ongoka ta hempulula Omũuana, oje e na'He uo.

1 Lja Johannes 4.2

Ombepo ja Kalunga mu ji ři mpoka: řaa 'mbe-po taji hempulula Jesus Kristus, e ja mońama, ojo jomu Kalunga.

Lukas 9.26

Ořoka ongoka ta si ndje ohoni noohapu zandje, Omũna gu'Omũntu ote mũ sohoni, řo te ja mesimano lje muene no lja He no ljaajengeli aajapuki.

## SATAN OMUTO NDADHI LELA GUETU

Satana no ja zi pu Omũua no ju umbu Job iitumbuka jiihuna jouala okošiši šompazi sigo kombanda jomütse. Job 2.7

Mateus 4.1 na 10,11

Jesus okua falua ihe kOmbepo kombuga a ka makelue komũhindazi... Jesus nokua ti kuje: Za po, satana; ošoka okua nolua: Omũua Kalunga koje u noku mũ simaneka, noje auike u noku mũ longela. Omũhindazi nokue mũ eša; ihe tala, aa-jengeli je ja kuje, no je mũ jakula.

Ongoka ta jakulua ku satana okuholoka noonkondo azihe nomanzinziliko niñengandunge ajihe. 2 Kaatessalonika 2.9

Iilonga Jaajapostoli 26.18

Okutonatiša omeho gauo, ja pilamene omilema no ja taalele uujelele no ji iteke melelo lja satana no ji igameke ku Kalunga, no mokuitaala ndje, ja mone ezimo ljoondjo nuusiga mokati ka mboka ja japulua.

1 Lja Petrus 5.8

Kaleni mu neiziliko no mua tonata. Omũtondazi gueni satana ohe mu kundukiza ongonime haji ulu, no ta kongo ngoka e mũ ninagule.

Kaaefeso 6.11

Ihomatekeni iikondjišo ajihe ja Kalunga, mu uape okuşikamena omakotokelo ga satana.

## OKUSINDA SATANA

### 2 Kaatessalonika 2.8

Omũkolokoši ngujaka no ta holoka ihe, Omũua Jesus no te ke mũ zipaga po nomũfuzo guomokana ke no te mũ hanagula po neholoko ljokuja kue.

### Lja Jakob 4. 7, 8a

Vulikeni ano ku Kalunga, kondjĩseni ondeveli, ojo no taji mu jĩ ontuku. Hezeni ku Kalunga, oje no ta heza kune.

### Lja Nolelua Aaheberi 2. 14

Ano uunona ũo u na ombinzi nonama, oje uo okua kuatasana najo okomũkalo tuu ngoka gumue, opo a ũundule kokusa kue ngujaka a kala e nepa-ngelo ljeso, osatana.

### 1 Lja Johannes 3.8

Ongoka ha longo uulunde, oje uguomondiaboli, oũoka ondiaboli hela ja za oja longo uulunde. Onke ano Omũna gua Kalunga a holoka, a hanagule po iilonga jondiaboli.

### Kaaroma 8.35 na 37

Oljengo te tu topola mohoole ja Kristus? Uzigu ando, nenge oosina, nenge etizagano, nenge ondjala, nenge onkaji, nenge uujina, nenge ego-ngamuele? ...Ihe mu mbika ajihe tatu sindi nokusindilila omolua nguka e tu hoole.

# OHOLE NDJOKA AJELEKE NAJO ALONGUA

1 Lja Johannes 4.20

Ngele ku na ngoka ta ti: Ongame ndi hoole Kalunga, e ta tondo omũuajina, oje omũfundja. Ošoka ngoka kee hoole omũuajina, e mũ luete, oje ita uapa okuhoola Kalunga, kee mũ luete.

Kaagalatia 5.22

Ihe iijimati j'Ombepo ombika: ohole, eñañu, ombili, ontalanteni, uukuume, uuanaua, uuzigini, engungumano, eizizimiko.

Johannes 13.35

Opo mpoka ajehe taje mu zimbulula one aalongua jandje, ngele mu hoolasane.

Johannes 21.16

Nokua ti kuje lutijaali: Simon ja Johannes, u hoole ndje? Oje a ti kuje: Eeno, Omũua, u ši ndje, ndi ku hoole tuu. Oje nokue mũ lombuele: Liša oonzi zandje.

1 Kaakorinto 13.1

Nando ndi popje omalaka gaantu nogaajengeli, ngaje ndaa nohoole, andola ongame ošijeela ošikušu taši lili, no ng'ongendjo taji ngelengendja.

1 Lja Johannes 3.14

Otse otu ši ši, otua zi mo meso no tua ji mo-mueño, ošoka otse otu li po tu hoole aamuameme. Ongoka kee nohoole, oje oha kala meso.

## EYUMUKO LYA JESUS KRISTUS

So pua piti po omasiku gahetatu aalongua ja li mo išeue, na Tomas pamue najo. Jesus e ja, iijeelo šo ja aazika ja patua, nokua šikama mokati kauo nokua ti: Ombili naji kale nane! Nokua lombuele Tomas: Ganeka omūnue guoje nuka ngu tale iikaha jandje, ngu ganeke ošikaha šoje ngu ši tse molupati luandje, ngoje ino kala uaa neitaalo, kala omūneitaalo. Tomas okue mū jamukula nokua ti: Omūua guandje no Kalunga kandje!

Johannes 20.26-28

Iilonga Jaajapostoli 10.39-41

Ihe otse mbaka oonzapo za mbika ajihe e ji longo mevi ljaajuda no mu Jerusalem; noje ngoka je mū aalele uokomūti no je mū zipaga. Oje tuu nguka Kalunga e mū jumuzā esiku etitatu nokue mū pitike i iholole je muene, hašiguana ašihe, aue, otse mbaka aahokololi je, ngaši Kalunga e tu hogolola naale, otse tuu mbaka tua lile no tua nuine pamue naje konima jejumuko lje.

Kaaroma 4.25

Onguka a gandjelua omajonagulo getu nokua jumuzilua uujuuki uetu.

Markus 16.9

Ihe oje šo a jumuka esiku ljetango ljošivike ongulangula, okua holokele tango Maria Magdaleena, muua ngoka kui a tiza mo oompuizuli hejaali.



## EJUMUKO ETEGELELO LJETU LJO SHINGE

Johannes 5.25 na 28, 29

Ošili, ošili tandi mu lombuele: esimbo tali ja, no lje ja nokuli, aasi otaa uuvu eui lj'Omuna gua Kalunga, na mboka taje li uuvu, otaa kala je nomueño... Inamu ši kuminua, ošoka esimbo tali ja, nena ajehe mboka ja kala moombila otaa uuvu eui lje, e tamu holoka mo mboka ja longa uuanaua, okujumukila omueño, na mboka ja longa uuinaji, okujumukila epangulo.

Kaaroma 6.3-5

Nenge kamu ši ši, otseni mbaka tua šašelua mu Kristus Jesus, otua šašelua meso lje? Otse no tua fumvikua ano pamue naje kešašo omokusa, opongaši Kristus a jumuzua kuusi okeazimo lja 'He, ošo natse uo tu nokuenda omuupe uokomueño. Ošoka ngele tua kokele mumue naje nokufašana meso, otatu kokele mumue naje nokufašana no mejumuko.

Mateus 16.21

Ano okesiku tuu ndjoka Jesus okua tameke okulombuela aalongua je, e nokuja ku Jerusalem, noku ka hepekua nomahepeko ogendji kaakuluntu no kaasaseri aakuluntu no kaanongoramata, nokuzipagua nokujumuzua esiku etitatu.

## UUYAPUKI P'OMUWA

### 2 Kaakorinto 7.1

Šo tu na ano omauuvaneko ngaka, aahoolike jandje, tu ijogeni ošize kehe no šoňama no šombepo, tse tu guaniseni uujapuki mokutila Kalunga.

### 2 Ku Timoteus 2.21

Ano ngele ku na ngoka ti ijogo mbika, oje ota ningi ošijuma ša simana, ša japulua, šoopalela omuene guašo no šoopalela kehe tuu ošilonga ošiuanaua.

### 1 Lja Petrus 1.2

Omboka ja hogololua pauino uokomeho ua Kalunga Ohe, ja kale nokuvulika ku Jesus Kristus no ja šašaminue ombinzi je okokujapulua k'Ombepo. Esilohenda nombili naji mu indjipalele.

### 1 Lja Petrus 1.15

Aue, holeleni Omujapuki nguka e mu isana, ne mu ninge uo aajapuki mokukala kueni akuhe.

### 2 Lja Petrus 3.11

Ano iinima ajihe nge taji kuatunuka ngeji, omu nokuaazika mua tja ngini moondjenda oondjapuki no metilokalunga.

### Lukas 1.74, 75

E tu pe eha—šo tua hupisua miikaha jaatondi jetu—oku mũ longela tuua nuumbanda omuujuuki no muujapuki košipala še omasiku getu agehe.

## UUYAPUKI P'OMUWA

### Kaaefeso 1.4

Ngašika e tu hogolola omolue, uujuni manga inaau zikua, tu kale aajuuki naakaanošipo košipala še mohole.

Jesaja 35.8

No taku kala ondjila onene, ja palua, taji isanua ondjila ondjapuki: kaji endua konakunikoonata, aue, otaji ningi oja mbejaka. Ongoka, he ende mo, ita puka—naasama itaa puka.

### Kaaefeso 4.24

Ne mu zale omuntu omupe, a situa a fe Kalunga omuujuuki no muujapuki uašili.

### 1 Lja Johannes 1.9

Ihe nge tatu hempulula oondjo zetu, nena oje omuziginini nomujuuki, no te tu kusile po oondjo no te tu jogo omajonagulo agehe.

### Mateus 3.11

Ongame otandi mu šaša nomeja mu itezulule, ihe ngoka te ja konima jandje, e vule ndje oondkodo, ongame no inandi oopala nando okuhumbata oongaku ze; oje te mu šaša nOmbepo Ondjapuki nomulilo.

### Lja Nolelua Aaheberi 13.12

Onke ano na Jesus, opo a japulise ombinzi je muene ošiguana, a hepekelua kondje jeelo.

## AANTU OYUDHITHWA KOMBEPO ONDJAPUKI

Iilonga Jaajapostoli 13.52

Aalongua no ju uuẓa eñañu n'Ombepo Ondjapuki.

Kaaroma 8.9

Ihe one itamu pangelua koñama, aue, ok'Ombepo, ngele Ombepo ja Kalunga kua kala mune. Ihe ongoka kee na Ombepo ja Kristus, oje kee ši ogue.

Hesekijel 36.27

Meni ljeni tandi paka mo ombepo jandje no tandi mu oopaleke, mu kale pamikalo zandje, 'ne mu kale nokuzimbulukua nokutsakanisa iipango jandje.

Iilonga Jaajapostoli 1.8a

Ihe one otamu peua oonkondo, Ombepo Ondjapuki nge te ja mune, one no tamu ka ninga oonzapo zandje...

Iilonga Jaajapostoli 4.31

Ano šo ja zimbuka okugalikana, epanджа ndjoka mpoka ja gongala, olja kakama, ojo ajehe no ju uuẓa Ombepo Ondjapuki no ja popi nuulazi oohapu za Kalunga.

Lukas 11.13

Ano one aauinaji ngele mu ši okupa aana jeni iipeua iiuanaua, uunene oho jeni jomegulu ta gandja Ombepo Ondjapuki ku mboka taje mũ indile.

# OMAUUANENKO OMAKUMITHA KA KRISTE

## Omápsalmi 34.19

Omúua oku li popepi na mboka, je nomitima, za nájika, no ha kuaša mboka, je nomueño, gua náñagulua.

## Jesaja 66.2

Antano ošikaha šandje ša šiti iinima mbika ajihe, iinima ajihe nošo ja ningua, oohapu ozo nzo-ka Omúua e zi tja. Ihe ojo tuu mboka nde ja tala, oohepele, ongame otandi tala ngoka, kui ifupipika, ongoka, e nomueño, gua náñagulua, no ta landula oohapu zandje nokukakama.

## Ehololo Lja Johannes 21.4

No ta seta po omahozimomeho gauo, neso kali kala ue nenge oluhozi nenge elilagano, nenge uuehame kau kala mo ue, ošoka šijaka šotango ošahulu, po.

## 1 Lja Petrus 4.12, 13

Aahoolike, epupju ndjoka mu li mo oljoku mu jelekela, inamuli kuminua ongošinima inaši monika naale, aue, náñukueni neñañu li sike pošipeua šeni šomomahepeko ga Kristus, opo mu ka náñukue, ne mu ligole no peholoko lje aazimo lje.

## Omápsalmi 37.3

Inekela Omúua, ng'u guanise uuanaua, kala mošilongo, ng'u ziginine uujuuki!

## OMAUUANENKO KAAMAKELUA

Kaaroma 16.20

Ihe Kalunga kombili ota ka náńagula mbala satana okohi joompazi zeni.

Omapsalmi 34.20

Omũjuuki e nomeehamo ogendjĩ, ihe Omũua ote mũ hupisa mu mbjoka ajihe.

Jesaja 43:2

Ngele to pitile momeja, ongamendi li pu ngoje, ngele ku nomilonga zomeja, itaazi ku jeelula e-jeelu; ngele to pitile momũlilo, kagu ku lungunisa, noohandje zomũlilo kazi ku fike.

Kaaroma 8.28

Ihe otu ši ši, kumboka je hoole Kalunga, iini-ma ajihe otaji longo mumue uuanaua, omboka ji isanua pamazilazilo ge.

1 Kaakorinto 10.13

Inaamu aazika kemakelo lilue, oljo tuu ndjoka ljopantu; ihe Kalunga oje comũziginini, ite mu esele omamakelo ge vule oonkondo zeni, ihe mumue nemakelo ota longele uo ondjila jokuja ontuku, mu uape oku li sinda.

Lja Nolelua Aaheberi 2.18

Ošoka oje muene, šo kua ehamekua nokua makelua, ota vulu okukuasa mboka taa makelua.

## OMAUUANENKO KAASINDANI

Ehololo Lja Johannes 3.12

Ongoka ta sindi oje otandi mũ ningi ongunzi motempeli ja Kalunga kandje, oje no ita zi mo ue moka, no tandi mũ ñola ezina lja Kalunga kandje, nezina ljošilando ša Kalunga kandje, olja Jerusalem ošipe taši zi megulu ku Kalunga kandje, nezina-ljandje ndi epe.

Ehololo Lja Johannes 21.7

Omũsindani ota ka sigulula mbika, ongame no tandi kala Kalunga ke, noje ta kala omũuandje.

Ehololo Lja Johannes 2.7

Ongoka e nokutsi nu uuve šika Ompepo te ši lombuele omagongalo. Omũsindani otandi mũpe okulja komuti guomueño, gua kala mu paradisa ja Kalunga.

Ehololo Lja Johannes 3.21

Ongoka ta sindi, otandi mũ kuutumbike pamue na ngame košipangelapundi šandje, ngaši ngame nda sindi no nda kal'omũtumba pamue na Tate okošipangelapundi še.

Ehololo Lja Johannes 3.5

Ongoka ta sindi ota zalekua ngeji oonguo oontokele, nezina lje kandi na mpo tandi li zimi moramata jomueño, nezina lje otandi li hempulula košipala ša Tate no montaneho jaajengeli je.

# KALUNGA OHE TU POPITHA KOMBINGA YEHEGATHANO

Mateus 5.32

Ihe ongame otandi mu lombuele: šaa ngoka, ta hengele po omŭkiintu gue ošinima šilue šaa ši oluhondelo, ote mŭ hondeliša, na ngoka ta hokana po omŭhengua, oje ota hondele.

Lukas 16.18

Kehe tuu ngoka ta henge po omŭkiintu gue no ta hokana gulue oje ta hondele, na ngoka ta hokana omŭhengua ota hondele.

Kaaroma 7. 2, 3

Ompango ngaši haji mangele omŭkiintu omŭhokanua momŭlumentu gue manga e nomueño; ihe omŭlumentu ngele a si, nena okua manguluka mompango joondjokana. Onke ano, ngele ti igandja komŭlumentu gulue manga omŭlumentu gue e nomueño, oti išanua ohonda; ihe omŭlumentu ngele a si, nena okua manguluka mompango ndjoka, 'je kee ši ohonda ngele ta hokanua komŭlumentu gulue.

1 Kaakorinto 7. 10, 11

Ihe mboka ja hokana otandi ja lombuele, ha ngame, aue, Omŭua: omŭkiintu ina hengana momŭlumentu gue; ihe ngele a hengana, na kale ina hokanua, nenge na hangane nomŭlumentu gue: nomŭlumentu kaa henge po omŭkiintu gue.



## OKUGALUKA OKUTIJA LI KUA KRISTUS

Mateus 24.27

Ošoka ong'oluazi talu aazima kuuzilo no talu monika no sigo kuuninginino, nokuja ku'Omūna gu'Omūntu ošo taku ningi.

Ehololo Lja Johannes 3.11

Otandi ja mbala; ziginina šili sonou ši na, uaa jugue nando kulje ošišani šoje.

Markus 8.38

Ošoka ongoka ta sile ndje noohapu zandje ohoni mokati kepipi ndika ljuuholume no ljuulunde, oje ngoka n'Omūna gu'Omūntu ote mū sohoni, nge te ja meaazimo lja'He pamue naajengeli aajapuki.

Lja Jakob 5.8

Na ne uo tegeleleni nokuizizimika, kolekeni oomueño zeni, ošoka ejo lj'Omūua oli li popepi.

Mateus 24.30

Enzinziliko lj'Omūna gu'Omūntu no tali monika ihe kegulu, nena iiguana ajihe jevi no taji lilagana; no taa ka mona Omūna gu'Omūntu te ja kombanda jiikogo jegulu e noonkondo ozindji neaazimo.

Johannes 14.3

No nando tandi ji ndi ke mu longele eha, otandi galuka no tandi mu iile, mu kale uo nkoka ndi li.

# OKUGALUKA OKUTIJA LI KUA KRISTUS

Lukas 21.27

No taa mono ihe Omũna gu'Omũntu te ja te ende mošikogo e noonkondo oonene neaazimo.

Lukas 12.40

Nane uo ošo mu kale mu' ilongekiza, ošoka Omũna gu'Omũntu ote ja ešimbo ndjoka inamu li tengeneka.

1 Lja Johannes 3.2

Aahoolike, ngašingeji otse aana ja Kalunga, ihe inaši holoka natango, tatu ka kaleni tuatjangini. Otse otu ši ši, oje nge ta holoka, otatu ka ningeni tue mũ fa, ošoka otse otatu ke mũ mona ngašika e li.

Iilonga Jaajapostoli 1.11

Nojo ja ti: Aalumentune aagalilea, ošike mua sikama no tamu tala kegulu? Jesus tuu nguka e mũ kušua a ji megulu, ošo tuu ngeji ta galuka, ngaši mue mũ mono a jî megulu.

Mateus 16.27

Ošoka Omũna gu'Omũntu te ka ja pamue naa-jengeli je omesimano lja 'He, nena oje ta futu kehe ngoka ši sike piilonga je.

Ehololo Lja Johannes 16.15

Tala ongame otandi ja ongomũfuš; omũnelago ongoka a kala a tonata, nokua ziginene oonguo ze, kee ende ouala, nohoni je jaa monike.

# OHAPU JA KALUNGA

2 Lja Petrus 1:21

Ošoka inaku hololua nando omahunganeko kehalo ljomuntu, aue, aantu oja popi nzoka je zi peua ku Kalunga, Ombepo Ondjapuki šo e ja longisa.

Omapsalmi 119:105

Oohapu zoje ozo ofeeka jokoompazi zandje nuujelele mondjila jandje.

Omapsalmi 119:11

Oohapu zoje nde zi pungulile montulo jandje, ndaa jone ku ngoje.

Mateus 22:29

Jesus okue ja jamukula nokua ti: One omua puka, ošoka inaamu tseja ooramata noonkondo za Kalunga.

Lukas 21:33

Egulu nevi otaga hulu po, ihe oohapu zandje itazi hulu po.

5 Mose 4:2

Iipango, tandi ji mu pe, inamu ji guezela mo ša, 'ne inamu ji zimuna mo ša, aue, iipango jOmūua, Kalunga keni, tandi ji mū pe, mu noku ji guanisa po.

2 Ku Timoteus 3:16

Neñolo kehe lja ñolua koonkondo z'Ombepe ja Kalunga oli ši 'kulonga nokukumagiza nokupukulula nokuputuza omuujuuki.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.  
**World Missionary Press, PO Box 120, New Paris, IN 46553-0120 USA**

YA GONGELWA KU WATSON GOODMAN

SHA MANGULUKA ITAA SHI LANDWA



Read booklets online or by App  
[www.wmp-readonline.org](http://www.wmp-readonline.org)